


Digitized by the Internet Archive in 2010 with funding from Boston Public Library

PROCEZ

VERBAL DE CE QVI s'est passé à Bordeaux en la presence du Roy, & qui a donné subject à la Cour, de donner Arrests & decret.


CONTRE LES COMPLIces de l'assainat du (oncierge, Et) rupture des prisons de la Conciergerie.

M. DC. X V.



CO ALINTELLA Concierco, ES Concerned

NA JC 15



MONSIEVR,

Depuis mes precedentes, il ny a pas eu grandes choses pour les affaires generales, dont je vous puisse ny doiue faire part, sinon que ie vous diray que Monsieur le Cardinal de Sourdis a entretenu le tappis depuis quatre iours, dont voicy l'histoire. Vn Gentilhomme nommé Hault-Castel prisonnier en la Conciergerie de ceste ville pour diuers & enormes crimes fut condamné lundy par la grand' Chambre a auoir, la testertranchee, & par ce qu'il appartient à force gens on fit instance au Roy de le sauuer & luy doner abolition: mais dautat que la chose pressoit, on commada a vn Lieutenant des gardes d'aller aux prisons & empescher l'execution attendant l'abolition. Sur ce, La Cour deputa vers leurs Majestés & Mösieur le Chancelier pour les informer du faict, & le leur ayant fait veoir, l'abolition ne fut point expediee & eurent mandement de fai-

A ij

re Iustice, & fut enuoyé vers ledit Lieutenant des Gardes & Archers, afin de se retirer, on feit donc estat de le faire executer dés le soir aux flabeaux pour éuiter qu'onne fust empesché si on attendoitiusques au lendemain, & fut mené à la Chappelle, ou on luy bailla pour confesseur vn Iesuiste qui l'ayant ouy, dict que cest homme avoit tant de diverses offenses sur la conscience qu'il luy failloit plus de trois heures pour le confesser & admonester, & qu'il falloit remettre cela au lendemain, d'ailleurs il ny eust moven de trouver l'executeur, l'un ayant esté pratique pour faire ceste remise & l'autre gaigné par argent pour s'absenter, voila donc que par necessité ceste executio differée au ledemain & toutes choses preparees pour la faire sur le midy : mais la Cour estant leuee; & Messieurs retirez, incontinant suruint Monsieur le Cardinal botte & esperonné sur vn bon Cheual, deuant lequel marchoit aussi botte & esperonnévn sien aumosnier sur vn autre Cheual portant la Croix, & en cet estat assisté de trente ou quarante Cheuaulx, la

plus part desquels estoiet Gentilshommes de marque, qu'il auoit prié de l'assistersans leur dire particulierement ce qu'il vouloit saire, & tenant vn papierà la main aprochant du Palais crioit grace, grace, viue le Roy, estant arrivé à la porte du Palais il la trouua fermee, & la fit enfoncer par gens qu'il auoita ceste fin menezauec luy, & estant entré à la porte de la Cociergerie, il fait le mesme, & trouuant le Geolier le voulut cotraindre de luy bailler les clefs, sur le refus, il fut tué de plusieurs coups d'espee, ses cless prises, & ledithault Castel tiré du cachot & mis en liberté, qu'il feit conduire sur la riviere & mettre das vn basteau Luy en suitte se retira de la ville, & le basteau de Hault-Castel, estant desia vn peu aduancé pour passer, le feit raprocher pres du sien, & le taisant mettre à genoux, luy donna sa benedi-Aion, & puis chascun print son chemin, luy s'en alla à Lermont à vne maison qui est à vne lieuë de ladicte ville. Sur ceste violence, La Cour s'assemble, & allerent en corps à pied, auec les bon-

A iij

nets treuuer leurs Majestez, faire leurs plaintes de cest attentat, & les supplier que iusque à ce qu'il fust reparé, les complices punis & le condamné remis, ils feussent dispensez de faire aucun acte de lustice, aureste des subiects de sa Majesté. Le Roy leur declara qu'il voulloit qu'ils procedassent contre le Cardinal, & sesadherants, par les formes & voyes ordinaires, pour la reparation d'vn tel crime, qu'à cela il leur tiendroit la main, & les authoriseroit, mais qu'il vouloit aussi qu'ils continuassent à rendre la iustice aux particuliers, en suitte ils ont decretté prise de corps contre luy, & contre plusieurs de ses adherants, l'one ce jourd'huy faict crier à trois briefs jours ses bies saisis, & en outre desfences à tous les subiects du Roy de l'assister, ny receuoir és Villes, Chasteaux, ou maisons, luy prestermain forte, ny assistance, sur peine de crime de leze Maiesté, & outre la publication, ont fait afficher lon arrest és carrefours, & sont bien resolus de continuer leurs poursuittes, voilà l'histoire de ce nouveau Esprit qui allant vers

7

ceux qui estoient ez prisons à resuscité vn mort, & fait mourir vn viuant, & pour cest essect en la presence du Roy, à abusé de son nom & authorité, pour commettre vne telle violence in digne de monter en la pensee d'vn homme de sa qualité.